

**Yuhannáay Domi Kágad**

# Yuhannáay Domi Kágad

© 2019 Wycliffe Bible Translators, Inc.

Gón Báibalay rajánk kanókén thimay komakká

[Creative Commons Attribution-NonCommercial-NoDerivatives 4.0 International License](https://creativecommons.org/licenses/by-nc-nd/4.0/)

# Yuhannáay Domi Kágad

## Drud

**1** <sup>1</sup> Cha kelisáay kamáshay némagá, pa gechén kortagén bánok o áiy chokkán<sup>a</sup> ke pa del maná sakk dóst ant. Tahná maná na, hamá sajjahénán ham dóst ant ke rástiá zánant. <sup>2</sup> Paméshká mára dóst ant ke may delá rástiá jágah kortag o tán abad gón má hamráh ent. <sup>3</sup> Hodái mehr o rahmat o sohl o ásudagi, cha Petén Hodá o áiy Chokk Issá Masihay némagá, pa rásti o mehr gón má góna bit.

## Rásti o mehr

<sup>4</sup> Gal o shádán bután wahdé zánton tai lahtén chokk rástiy sará zenda gwázénit, hamá dhawlá ke Petá mára hokm kortag. <sup>5</sup> Nun, oo bánok! Man nókén hokmé nebisagá naán, é hamá hokm ent ke cha bongéjá mára gón butag, bale cha taw dazbandia kanán, máshomá gón yakdomiá mehr bekanén. <sup>6</sup> Mehr hamesh ent ke áiy hokm o parmánáni sará zend begwázénén. Áiy hokm hamesh ent ke shomá cha bongéjá eshkotag. Hamé mehray hokmay sará zend begwázénét.

<sup>7</sup> Chiá ke bázén rad dayóké donyáyá potertag o tálán ent o é habará namannant ke Issá Masih ensáni jesm o jánéá ér átkag. É paymén mardom rad dayók o Masihay dozhmen ant. <sup>8</sup> Hósh o sár bét ke may<sup>b</sup> káray bar o samará barbád o zawál makanét, sarréchéen mozzé pa wat bekatthét. <sup>9</sup> Harkas ke Masihay tálimay sará mohr maóshtit o watsará démáter berawt, Hodá áiyg naent, bale harkas ke Masihay tálimay sará mohr bóshtit, ham Pet áiyg ent, ham Chokk. <sup>10</sup> Agan kasé shomay gwará byayt o é tálimá mayárit, áiyá wati lógá maylét o wasshátki magwashét. <sup>11</sup> Parchá ke é dhawléen mardoméay wasshátka kanag, gón áiy radén kárán sharikdár bayag ent.

## Goddhi habar

<sup>12</sup> Bázén chizzé hast ke pa taw benebisán, bale nalóthán gón kalam o kágadá bebant. Ométwár án ke shomay kerrá byáyán o dém pa dém gapp o trán bekanén tán mayshomay shádmáni sarréchéen bebit. <sup>13</sup> Tai gechénién goháray chokk<sup>c</sup> tará baddhé drud o drahbáta gwashant.

---

<sup>a</sup>1:1 Bázén zántkáréay báwar esh ent ke “bánok” dega kelisáéa gwashag butag o “bánokay chokk”, á kelisáay báwarmand ant.

<sup>b</sup>1:8 Lahtén kwahnén syáhaga gwashit: “wati”.

<sup>c</sup>1:13 “Tai gechénién goháray chokk”, bezán Yuhannáay kelisáay báwarmand.